



## Mokgwa wa ho ngodisa ho ba akgente e ngodisitsweng

Akgente e ngodisitsweng ke motho (ka bomong ba hae kapa motho ho ya ka molao) ya leng Afrika Borwa ya kgethilweng ho ba akgente ya wa matjhabeng ya ka seholohong. Ho bohlokwa ho hlokomela hore 'akgente e ngodisitsweng' ha e tshwane le '[akgente ya tlhekelo](#)' ya jwale e nang le laesense. Motho ofe kapa ofe eo e leng Moafrikaborwa kapa khampani e ngodisitsweng e ka etsa kopo ya ho ba 'akgente e ngodisitsweng'. Akgente ya tlhekelo e nang le laesense e ka boela ya ba 'akgente e ngodisitsweng'. Dithoko tse mabapi le diakgente tse jwalo tse ngodisitsweng di eme tjena:

- Kopo e lokela ho etswa foromong ya DA185 mmoho le seholomathisong se loketseng;
- Ka nako ya ngodiso, ho ka se hlokehe bonto ya tiisetso ya na ha kapa ya boemakepe ka bonngwe ba ona. Le ha ho le jwalo, SARS e na le tokelo ya batla dibonto tsa tiisetso ebang maemo a ka bakang kotsi a akgente e ngodisitsweng a fokola nakong efe kapa efe.

Akgente e ngodisitsweng e tlameha ho amohela ho thonngwa ho entsweng ke ya ka seholohong wa matjhabeng e bontshang hore ke mesebetsi (ya fumanang dithoto ho tswa kantle ho na ha kapa ya romelang dithoto kantle ho na ha kapa ya tlosang dithoto bontong) efe e tlang ho phethahatswa boemong ba enwa wa matjhabeng ya ka seholohong. Motho ya etsang kopo ya ngodiso ya ho ba "Akgente e Ngodisitsweng" o tlameha ho ba Afrika Borwa.

Akgente e ngodisistweng, e thontsweng (ho latela dintlha tsa seholomathiso sa DA 185 D):

- E jara boikarabelo ba ho phetha boitlamo bohole bo hodima ya fumanang dithoto ho tswa kantle ho na ha, ya romelang dithoto kantle ho na ha kapa motlosi ya nang le laesense;
- E ka tlatsa le ho nyehelana ka ditsebahatso tsa tlhekelo tsa Bolaodi ba Meedi (CCD) boemong ba wa matjhabeng ya ka seholohong; mme
- E ka nyehelana ka foromo ya kopo boemong ba wa matjhabeng ya ka seholohong (e ka ba ya fumanang dithoto ho tswa kantle ho na ha, ya romelang dithoto kantle ho na ha kapa ya tlosang dithoto bontong) ho Bolaodi ba Meedi.

## Ke diforomo dife tse tlamehang ho tlatswa ho ingodisa ho ba akgente e ngodisitsweng?

- [DA185 - Application form: Registration/Licensing of Customs and Excise Clients](#)
- [DA185.4A13 – Registered Agent Client](#)
- Ebang tshireletso e hlokeha, o boele o tlatsa [DA185.C](#).

Ha ho ditokomane tsa tshehetso tsa tlatsa tse hlokehang ka ha mokopi a tlameha ho ingodisetsa Lekgetho la Lekeno mme dintlha tsa ngodiso ena di tla sebedisetswa ho aha Setheo sa Molao.

## Ebe diforomo di romelwa kae?

Diforomo tsa kopo di tlameha ho nyehelwa [ofising e haufi ya tsa Bolaodi ba Meedi](#).